

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/42, 19.03.2020թ.

Բողոք բերող անձ՝ «Կարեն Սարգսյան» Ա/Ձ

Պատվիրատու՝ «Վ. Ա. Ֆանարջյանի անվան ուռուցքաբանության ազգային կենտրոն» ՓԲԸ

Գնման ընթացակարգի ծածկագիրը՝ «ՈՒԱԿ-ԳՀԱՊՁԲ-20/37» գնանշման հարցում

Գնման առարկան՝ Դողորայքի ձեռքբերում

Բողոքի պահանջը՝ Չեղյալ համարել Ընթացակարգի գնահատող հանձնաժողովի 2020 թվականի մարտի 12-ի թիվ 3 արձանագրությամբ 1-ին ու 2-րդ չափաբաժիններով «Ժասմին հոմ տեքստիլ» և «ԷՍ ԸՆԴ ԷԼ ՏԵՔՍՏԻԼ» ՍՊԸ-ներին հաղթող ճանաչելու որոշումը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ

որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված
բողոքներ քննող անձին
Ա/Ձ Կարեն Սարգսյանից
ք. Երևան Գայի 1/106
հեռ. 091-65-69-87

Բողոք

Ի պատասխան Ձեր 2020 թվականի մարտի 17-ի գրության, ներկայացնում եմ 2020 թվականի մարտի 16-ին Ա/Ձ Կարեն Սարգսյանի կողմից ներկայացված բողոքի լրամշակված տարբերակը:

2020 թվականի մարտի 3-ին «Վ. Ա. Ֆանարջյանի անվան ուռուցքաբանության ազգային կենտրոն» ՓԲԸ-ն կողմից, /որը գտնվում է Ֆանարջյան 76շ. հասցեում/ «Գնումների մասին» ՀՀ օրենքի 15-րդ հոդվածի 6-րդ կետի կիրառմամբ՝ առանց ֆինանսական միջոցներ նախատեսելու հայտարարվել է «ՈՒԱԿ-ԳՀԱՊԶԲ-20/37» ծածկագրով գնման ընթացակարգ /այսուհետ՝ Ընթացակարգ/:

Ընթացակարգի բոլոր 5 չափաբաժիններին /1. Վերմակ սինտիպոնե, 2. Անկողնային սպիտակեղեն, 3. Բարձ, 4. Ներքնակներ և 5. Ներքնակի երես/ մասնակցելու նպատակով հայտ են ներկայացրել 4 կազմակերպություններ՝ «Կարեն Սարգսյան» Ա/Ձ-ն, «Ժասմին հոմ տեքստիլ» ՍՊԸ-ն, «ԷՍ ԸՆԴ ԷԼ ՏԵԶՍԻԼ» ՍՊԸ-ն և «Հոթել տեքստիլ» ՍՊԸ-ն, կցելով գնային առաջարկներ ստորև բերված գներով.

Զ.Հ	Մասնակցի անվանում	Ինքնարժեք	Շահույթ	ԱԱՀ	Ընդհանուր գինը
1	«Կարեն Սարգսյան» Ա/Ձ	2002000	273000	455000	2730000
	«Ժասմին հոմ տեքստիլ» ՍՊԸ	2835000	315000		3150000
	«ԷՍ ԸՆԴ ԷԼ ՏԵԶՍԻԼ» ՍՊԸ	2885400	320600		3206000
	«Հոթել տեքստիլ» ՍՊԸ	3920000	980000		4900000
2	«Կարեն Սարգսյան» Ա/Ձ	2772000	378000	630000	3780000
	«Ժասմին հոմ տեքստիլ» ՍՊԸ	3213000	357000		3570000
	«ԷՍ ԸՆԴ ԷԼ ՏԵԶՍԻԼ» ՍՊԸ	3931200	436800		4368000
	«Հոթել տեքստիլ» ՍՊԸ	7560000	1890000		9450000
3	«Կարեն Սարգսյան» Ա/Ձ	693000	94500	157500	945000
	«Ժասմին հոմ տեքստիլ» ՍՊԸ	810000	90000		900000
	«ԷՍ ԸՆԴ ԷԼ ՏԵԶՍԻԼ» ՍՊԸ	591300	65700		657000
	«Հոթել տեքստիլ» ՍՊԸ	1260000	315000		1575000
4	«Կարեն Սարգսյան» Ա/Ձ	1356300	184950	308250	1849500
	«Ժասմին հոմ տեքստիլ» ՍՊԸ	2983860	331540		3315400
	«ԷՍ ԸՆԴ ԷԼ ՏԵԶՍԻԼ» ՍՊԸ	3403080	378120		3781200

	«Հոթել տեքստիլ» ՍՊԸ	7672000	1918000		9590000
5	«Կարեն Սարգսյան» Ա/Ձ	2464000	336000	560000	3360000
	«Ժասմին հոմ տեքստիլ» ՍՊԸ	1585080	176120		1761200
	«ԷՍ ԸՆԴ ԷԼ ՏԵԶՍԻԼ» ՍՊԸ	1134000	126000		1260000
	«Հոթել տեքստիլ» ՍՊԸ	1792000	448000		2240000

Նշված ընթացակարգի 1-ին 2-րդ և 4-րդ չափաբաժիններով ներկայացրել են ամենացածր գինը:

Ընթացակարգի գնահատող հանձնաժողովի 2020 թվականի մարտի 10-ի հայտերի բացման նիստի թիվ 2 արձանագրության /կցվում է/ համաձայն հրավիրվել են գների նվազեցման շուրջ բանակցությունների:

Բանակցությունների ժամանակ 1-ին և 2-րդ չափաբաժինների մասով գները նվազեցնելու առաջարկություններ են ներկայացրել «Ժասմին հոմ տեքստիլ» և «ԷՍ ԸՆԴ ԷԼ ՏԵԶՍԻԼ» ՍՊԸ-ները, 1-ին չափաբաժնով «Ժասմին հոմ տեքստիլ» ՍՊԸ-ն առաջարկել է 2,270,000 դրամ, «ԷՍ ԸՆԴ ԷԼ ՏԵԶՍԻԼ» ՍՊԸ-ն 2,100,000 դրամ, իսկ 2-րդ չափաբաժնով «Ժասմին հոմ տեքստիլ» ՍՊԸ-ն առաջարկել է 3,120,000 դրամ, ընդ որում վերջիններիս առաջարկվող գների նվազեցրել են ոչ միայն շահույթի հաշվին այլ առաջարկել են մրցույթի ընթացակարգին ներկայացված ինքնարժեքից էականորեն ցածր գներ և Ընթացակարգի գնահատող հանձնաժողովի 2020 թվականի մարտի 12-ի թիվ 3 արձանագրությամբ /կցվում է/ հաղթող են ճանաչվել:

«Գնումների մասին» ՀՀ օրենքի 28-րդ հոդվածի 1-ին մասի 10-րդ կետով սահմանվում է, որ «հրավերը պետք է պարունակի նշում այն մասին, որ առաջարկվող գինը, ապրանքների, աշխատանքների և ծառայությունների արժեքից բացի, ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և **չի կարող պակաս լինել դրանց ինքնարժեքից:**

Գնումների մասին ՀՀ օրենսդրությունից բխում է, որ գնի նվազեցման միաժամանակյա բանակցությունները կարող են վարվել բացառապես ակնկալվող շահույթի շրջանակներում, իսկ հաշվարկված ինքնարժեքը ենթակա չէ նվազեցման, քանի որ այն հաշվարկվում է համապատասխան տեխնիկական բնութագրերի պահանջներից ելնելով և այդ պահանջներին բավարարող ծառայությունների մատուցումն ապահովելու համար: Միանշանակ է, որ ինքնարժեքը փոփոխական լինել չի կարող և պետք է հիմնվի հստակ հաշվարկների վրա: Իսկ եթե մասնակիցը գնային առաջարկը կազմելիս սխալվել է, ներկայացնելով սխալ ինքնարժեք, ապա հայտը ենթակա է մերժման:

Վերոգրյալով պայմանավորված և ղեկավարվելով «Գնումների մասին» ՀՀ օրենքի 28-րդ հոդվածի 1-ին մասի 10-րդ պարբերությամբ, խնդրում են չեղյալ համարել Ընթացակարգի գնահատող հանձնաժողովի 2020 թվականի մարտի 12-ի թիվ 3 արձանագրությամբ 1-ին ու 2-րդ չափաբաժիններով «Ժասմին հոմ տեքստիլ» և «ԷՍ ԸՆԴ ԷԼ ՏԵԶՍԻԼ» ՍՊԸ-ներին հաղթող ճանաչելու որոշումը:

Դիմող

Կարեն Սարգսյան